

ԱՌՆՈ ԲԱԲԱԶԱՆՅԱՆԻ ԵՐՐՈՐԴ ԿՎԱՐՏԵՏԸ

Առնո Բաբաջանյանը հայ կոմպոզիտորական դպրոցի համայնապատկերում մշտապես առանձնացել է խիստ բնորոշ ասեղիքով և համարձակ երաժշտի կեցվածքով: Ժանրային և ոճական հախտուն հետաքրքրությունների խճանկարում սահմանագծային տեղում է գտնվում կոմպոզիտորի վերջին ավարտուն օպյուսը՝ Երրորդ կվարտետը՝ գրված 1976-ին: Այն Ա. Բաբաջանյանի ժառանգության ընդհանրացումն է, իսկ հայ լարային կվարտետի պատմության մեջ հանդիսանում է քայլ դեպի նոր՝ հետխորհրդային փուլի սկիզբ: Այդ շրջանը «ագդարարվեց» Դմիտրի Շոստակովիչի մահից հետո, ում հիշատակին էլ նվիրված է Ա. Բաբաջանյանի կվարտետը: Կվարտետը Վարպետի համար եղել է ամենանվիրական ժանրերից և այս առումով Ա. Բաբաջանյանի ձևերը կոմպոզիտորին հենց դրա միջոցով, ինքնին հոգեբանական ժանրային ընդհանրացման փաստ է:

Ա. Բաբաջանյանի կվարտետը դրամատիկ պատում է, որտեղ գաղափարի խորությունը համադրվում է լարված հույզերի, իսկ ընդհանրացումը և օբյեկտիվությունը՝ սուր զգացմունքայնության հետ:

Դրամատուրգիան ծավալվում է մեկմասանի կառուցվածքի սահմաններում՝ «իր մեջ միացնելով սոնատային և ցիկլիկ ձևերը»¹: Այստեղ առկա են ընդհանրացման մի քանի տեսակներ: Դրանք են՝ պոեմայնությունը, սգո էրթն, իբրև ողբի գաղափարի կենտրոն, սեկունդային քայլը որպես Դ. Շոստակովիչի երաժշտական մոնոգրամին բնորոշ էլեմենտային հատկանիշ: Սրանք կդառնան հայ կվարտետի վերջին քառորդի բնորոշ արտահայտչամիջոցների մի խումբը: Ստեղծագործության մեջ ձևակազմական հիմքերը գործում են երեք մասշտաբային մակարդակների վրա, առաջին մակրոմակարդակում արտահայտվում են «կորստի ցավը, ողբերգական հակազդումը»², որտեղ գործողությունը ձեռք է բերում մոնոդրամատուրգիայի աստիճան: Երկրորդ մակարդակը՝ երաժշտական թեմատիկայի միջին մակարդակն է (DEsCH մոնոգրամ), իսկ երրորդը միկրոմակարդակն արտահայտվում է հնչյունային միկրոմոդուսների և երաժշտական տարածականությամբ («d» հնչյունը և «d-es» ինտերվալը):

¹ Амадуни С., А. Бабаджанян. Инструментальное творчество. Исследование. Ер., 1985, С 93.

² Նույն տեղում:

Ա. Բաբաջանյանի կվարտետի ձևակազմական յուրահատկությունն արտահայտվում է երաժշտական լեզվի բազմաստիճան մեկնաբանմամբ, որը ներառում է ելևէջային կոդը, հյուսվածքը, հնչման ուժը (դինամիկա), հնչյունային արտաբերումը (արտիկուլյացիա): Ինքնուրույն մեծություն է հանդիսանում հնչյունը (d), որից ծնվում է ինտերվալը, ապա՝ հիմնական ինտոնացիոն դարձվածքը: Կվարտետի ելևէջային հիմքը ստեղծում է կառուցվածքային այնպիսի սկզբունք, որը հիմնվում է մինիմալիստական լուծումների վրա, շարադրումը տրվում է էքսպոզիցիոն կերպով, իսկ սոնորայնության առանցքը դառնում է ոչ թե մեղեդիական թեման, այլ՝ հնչյունային դաշտը: Սոնորայնությունը կվարտետի կոդայի հիմքն է, որտեղ խաչի «հնչող» խորհրդաբանության միջոցով կայանում է ստեղծագործության առանցքային ելևէջի ընդհանրացումը: Հատկապես աչքի է ընկնում սեկունդային ելևէջով արտահայտչական մեծությունը, որն իր մեջ միակցում է «բարեհունչ» (նեղ ինտերվալների գերակշռությամբ) և «անբարեհունչ» (հյուսվածքի ընդհատվածություն, տրեմոլո, պոլիոթիթմիկա) ֆունկցիաները:

Գ. Շոստակովիչի հիշատակին նվիրված կվարտետը հիմնվում է d-es ելևէջի բացահատման վրա: Ինչպես նշում է Ս. Ամատունին. «Երբորդ կվարտետի երաժշտության յուրահատկությունն այն է, որ նման խորամտիկ փոքրագույն կառուցվածքները դառնում են գեղարվեստական հնչյունաբարձրային կազմակերպման առաջատար սկզբունք»³: Միանելևջ (մոտինտոնացիոն) մեկնաբանումը մարմնավորվում է սոնատանության և ոտնոյակերպ ձևերի սահմաններում: A-B-A-C-A1-B1-A2 կառուցվածքում ստեղծվում է ոտնոտ-սոնատի ձևը, որտեղ C-ն՝ էպիզոդ է ու մշակում: Դասական մեկնաբանման օրինակ է նաև կրկնակի (ոեֆրենի) շարադրումը ռեպրիզի սկզբում: Նման սոնատայնությունը ոտնոյում ստանում է նշանակալի և լիարժեք պատկեր, այստեղ առկա է ոչ միայն օժանդակ նվագամասը՝ էքսպոզիցիայում և ռեպրիզում, այլ նաև կապող նվագամասը, մշակումը և ձևափոխված կոդան:

Կվարտետի սկզբից կոմպոզիտորը պահպանում է անագրամայի ելևէջային գիծը՝ այն աստիճանաբար ընդլայնելով մեկ հնչյունից մինչև փոքրացրած կվարտա ինտերվալ, «...կոմպոզիտորը վերստեղծում է ողբերգական վերապրումի պատկեր, ինչև արձագանքում է բուն ժողովրդական ողբերին..., որտեղ ապշեցուցիչ գեղարվեստական ընդհանրացմամբ միակցվում են միմյանցից խիստ հեռու երաժշտական երևույթները»⁴: Կվարտետի էքսպոզիցիոն բաժնում տրվում են այս երաժշտական հուշա-

³ Амагуни С., указ. соч., С 192.

⁴ Амагуни С., указ. соч., С 151.

պատման հետագա կառուցվածքի ուրվագծերը, օրինակ՝ հորիզոնական գծի արտահայտումը ուղղահայացի մեջ, մետրի փոփոխումը, պոլիտիթմիան, պոլիլադայնությունը, հայելակերպ նմանակումը, ռեպետիտիվությունը, արտաքին անշարժության հարաբերությունը ներքին շարժունության հետ, երբ տեղի է ունենում բնական անցում՝ այլ մետրաոլիթմիկ համակարգին:

Մշակման առաջին բաժինը (Լպիզողը), որի առանցքում վերընթաց և վարընթաց սեկունդային հնչյունավորումն է, հիմնված է մինիմալիզմի սկզբունքի վրա՝ երկրորդ բաժնում ընդգծվում է հիմնական սեկունդային ու տրիտոնային էլեմենտի ստրևտայակերպ զարգացումը, ինչն իրականացվում է ուղիղ և խառը զուգորդումներով: Նման շարադրման մեջ զուգահեռաբար ներմուծվում է սեկվենտայնությունը, որն իր հերթին վերելք է դեպի տեղային կիզակետը: Այնուհետև սկսվում է էպիզոդի երկրորդ բաժինը և շարունակում է վերընթաց ուղղությունը, միայն այն տարբերությամբ, որ «թոփչքը» կոմպենսացվում է հյուսվածքի կտրուկ փոփոխմամբ: Այս կերպ ստեղծվում է նման շարժման կրկնակի գիծ, որտեղ առավել տևական երկրորդն ավարտվում է դեպի խտացումը միտված ընթացքով: Մեղեդիական գծի նման պատկերը հատկապես ընդգծվում է «սահող» ֆլաժոլետների ֆոնի վրա հնչող երկու ջութակների գլխասևդյով: Շնորհիվ որում դրանք DEsCH-ից ծագած անագրամա են (es-d): Կոմպոզիտորն այստեղ խուսափում է երաժշտական այս խորհրդանիշի ամբողջական ներմուծումից կամ հնտորեն բողարկում է (մեկ տեղափոխում է փոքր սեկունդայով, մեկ տալիս է խորալային հյուսվածքի պատկեր, մեկ թողնում է անավարտ՝ հևարավորություն տալով եզրափակել լուրջյան մեջ):

Երկրորդ բաժնից հետո կվարտետային հյուսվածքը ստանում է հայելանման շարադրում, որտեղ սեկունդային մեղեդիական ձայնառությունն անցնում է ջութակների նվագամաս, իսկ սահող ֆլաժոլետներն ուժեղացնում են անսամբլային հիմքը: Սա առաջին բաժնի նյութի հիշեցումն է (ոեմիեիսցենցիան), որտեղ ձևափոխվում է հիմնական երաժշտական միտքը (dis-e, e-f, eis-fis): Այստեղ տեմբրային ռեգիստրային լուծումը շեշտում է միկրոխորումատիկ գոտուց հեռանալը, ինչը կատարման մեջ ծնում է նեղ՝ երեք փոքր սեկունդաներից կազմված շարժվող կլաստեր: Մոնորիստիկ այդ երանգը, որը դրվագի վերջում ստանում է առեղծվածային գոտու պատկեր, խտանում ու վերակերպարանավորում է մոնոգրամի էլեմենտը: Ֆլաժոլետներից կազմված սոնորային շերտը հիմնվում է մեծ սեպտիմայի վրա, իբրև փոքր սեկունդայի շրջվածք կամ տարածական լուծում: Նման հնչերանգի միջոցով Ա. Բաբաջանյանը կարծես ստեղծում է

հավերժություն ձգտող հնչյունային պատրանք, մտորում՝ հեռացած ոգու մասին:

Հաջորդ դրվագը ելևէջի բացահայտման առումով մոտ է սկզբնական բաժնին: Կվարտետում ամեն ինչ սկսվեց ողբերգությունից, այստեղ ընդհանուր շարժման ձևերում հյուսվածքային պլանով տրվում է սկզբնական արտահայտչականության վերհիշումը: Ստեղծագործության ռոնդոյակերպ կառուցումը հատկապես արտահայտվում է հյուսվածքային լուծման մեջ, այսպես՝ ռեֆրենը միշտ ներկայանում է «դամի» սկզբունքով՝ «d» հնչյունի տատանմամբ: Ռեպրիզում վերադառնում է փոքր սեկունդային, իսկ միևնույնիստական միկրոկառուցվածքի խաղը իրականացվում է ունիսոն: Հնչյունային էքսպրեսիան փոխում է իմաստային կողմը և անցումը սզո երթի հաստատում է «ողբի» գաղափարը: Էքսպրեսիան ձեռք է բերում նոր առավել ազդեցիկ որակ, քան կարող էր լինել իրական հնչողության փոխարինումը: Սզո երթը կառուցվում է DEsCH ելևէջային նախատիպի վրա, որտեղ ձայնակարգը կազմում է խտացված քառալար (տետրախորդ) և նույնպես տարածվում է փոքրացրած կվարտայի սեղմ սահմաններում (h-es): Կվարտետում սզո երթի խորհրդարանությունը կապված է հանճարի անվան հետ, իսկ մոնոգրաման հանդիսանում է Գ. Շոտակոպիչի կոմպոզիտորական յուրահատուկ մոդալ մտածողության դրսևորումը, այն է ցածր չորրորդով փոուգիական ձայնակարգը, այսինքն կրկնակի փոքրացրած միևնույնը:

Էպիգոդի առաջին բաժնում ռեֆրենը ստանում է կվարտետի ելևէջային ակունքի գործառույթ, այստեղ այն վերափոխվում է ձայնակարգային ելակետի և ամեն անգամ տեղափոխվում է տարածության մեջ: Այդ կերպ վերընթաց սեկվենցիաներն ընկալվում են որպես կուլմինացիա ձգտող շարժում, այսինքն հեղինակը պատկերում է հանճարի մեծության հավերժացումը:

Ա. Բարաջանյանի կվարտետի երաժշտական հյուսվածքը ենթարկվում է Վարպետին պատկերող ելևէջային խորհրդանիշի՝ փոքր սեկունդաների տրամաբանությանը և դառնում է հյուսվածքային տարբեր լուծումների խթան: Օրինակ, միկրոկառուցվածքի մակարդակի վրա ստեղծում է «շղթա», երբ համահնչյունը հավաքվում է ուղղահայաց հաջորդականությամբ: Մեկ այլ տեղ ելևէջային դարձվածքը կազմում է ինը հնչյունից բաղկացած սերիա, մեկ ուրիշ տեղ փոքր սեկունդան ընդգծվում է մեկ օստինատային, մեկ՝ դամի շարադրանքով, և երրորդ դեպքում շեշտվում է «d»-ի կրկնակի հնչյունարտաբերումը (բաց լարով և «սոլ» լարի վրա): Կվարտետում ունիսոն է ներգետնական նույնպես ենթարկվում է ինքնատիպ մեկնաբանման՝ հիմնված ռեպետիտիվ միջոցի ակտիվ շարժ-

ման վրա: Անսամբլային հյուսվածքում ավելացվում է նաև հարմունիկ «ծանրության» մեծ հակադրությունը, որը գալիս է կլաստերների բնույթից: Դրանք բաղկացած են եռահենյուններից, որոնց միջև բախումը ստեղծում է միկրոխրոմատիկայի պատրանք: Եռահենյունների գլխասևտոն ստեղծում է տպավորիչ հնչյունային տարածք, որտեղ առաջին անգամ առկա է տոնայնական սկզբի լսելիականությունը և այդ կերպ ընդգծում է D-Es ինտերվալի մաժորային երանգը:

Ա. Բաբաջանյանի կվարտետի հիմքում ընկած է ռոնդոյակերպ կատույցը: Այն բաղկացած է երկու էպիգոդից (որով և տարբերվում է դասական ձևից) և երեք ռեֆրենից, որոնցից յուրաքանչյուրը հանդես է գալիս տարբերակային մոդելով: Այսինքն՝ ի տարբերություն դասական ռոնդո ձևի, ռեֆրենը անկայուն է, իսկ էպիգոդները՝ հաստատուն:

Այս կվարտետի օրինակի վրա կարելի է ասել, որ Ա. Բաբաջանյանը «էքսպոզիցիոնիստ-կոմպոզիտոր է», ով պատկերը ներկայացնում է միանգամից՝ դա ողբերգություն է, մտորում և պաթոս: Այստեղ չկա և չի էլ կարող լինել զարգացում, քանի որ այն ամբողջական պատկեր է և հաջորդաբար նկարագրում է ստատիկ երևույթը, որը տվյալ դեպքում ողբերգական իրադարձությունն է: Առանցքային ելևէջի բազմակի բացահայտմամբ ու մեղիտացիաներով կոմպոզիտորը կարևորում է անփոփոխ զգացմունքի մարմնավորումը, այլ ոչ՝ գաղափարի ցուցադրումը: Որքան հաճախակի են կրկնություններն, այնքան խորանում է ստատիկ իրավիճակի պատրանքը: Կոմպոզիտորը ստեղծագործության ընթացքում կարծես ունենդրին ելևէջային առումով «ընտելացրեց», որ տոնիկական կենտրոնը ոչ թե «d», այլ «d-es»-ն է: Չէ՞ որ որովհետև սեկունդան՝ Դ. Շոստակովիչի անվան հնչյունային մոնոգրամայի հիմքն է: Ավելին՝ ֆինալում «d»-ն «մեռնող» դինամակայով հնչում է ալտի պարտիայում, մի գործիք, որի համար է Վարպետը գրել վերջին ավարտված ստեղծագործությունը:

Ա. Բաբաջանյանը բազմակողմանի խոր մտածողության և ճշմարտացի զգացմունքայնության հեղինակ է: Կվարտետը կոմպոզիտորի ստեղծագործության մեջ բացահայտում է մտորումների խորը շերտերը տանող, հոգեբանական աշխարհի ներթափանցման փիլիսոփայական ընդհանրացումների շեշտով նոր գիծ: